



畢業



羅勒



2014年畢業生



讀多年就畢業



Freshman期剛過

最初入嶺南有咩感受？

覺得細，一眼睇晒啲 Building。

新鮮，期待大學生活、上堂，睇下同中學有咩唔同。

開心，因為入到大學，覺得嶺南比較靜。

入黎之後覺得同以往有咩分別？入學時有咩計劃？

慢慢發現細都有好多好處，大家關係親密啲、好多機會。計劃就返Part Time，參加唔同活動，識唔同嘅人。

多好多時間同自由。無咩計劃，因為唔知自己想點。

好多時間，夜瞓。應該個個都諗過爆四，但實際又另一回事啦。

有無咩大困難？難唔難適應？

識嘅人都好Friendly，翻譯系嘅人都好好。大困難一定無，有時大家生活習慣唔同，應該係值得注意嘅地方，但都唔算係困難。

要好主動先識到朋友，唔係成日見，上堂見得好少。一開始好唔實在，慢慢就好了。

住Hall有時掛住屋企。其實唔係好大分別，都唔難適應嘅。

每年心態有咩轉變？

第一年好似人間樂土，讀嘅Course都好簡單，好似仙境。第二年就覺得難左一截，去Exchange發覺好多事都要靠自己。最後一年覺得讀LingU唔會對我搵工有咩負面影響。

第二年覺得自己唔可以咁頹，追GPA，要有人生意義。第三年好想住返Hall。

大學裏面試過咩新事物？

Exchange, Voluntary job with cancer fund, Buddies scheme, Career programme, Sign language都正。

去Summer school，同識到外國人，以前無諗過係Hall日日煮嘢食。

同Exchange做朋友、住Hall。希望下年可以去Exchange。

(你覺得將來) 畢業時最大感觸係？

無得輕鬆學習，無得再留條呢個簡單嘅世界。

唔想畢業，因為做完Intern發現呢行會無限OT。想繼續讀書，因為讀書好幸福，有私人時間空間又冇壓力。對於畢業我算係有少少逃避。

應該再主動啲，玩多啲，同時讀書認真啲。新學年希望做到，畢業時無咁多遺憾。

(你覺得將來) 踏入職場時有咩感受？

要Pick up job knowledge，好難但開心。

做咩都要好小心，無得求其其，我諗壓力會好大。讀書唔鍾意讀都可以Hea下嘛。

可能會未Ready好？不過初初做嘢都會有時間學。暫時未知會做咩。

如果要將人生劃分唔同階段，你會點劃分？

完左大學咪事業期，一直到近30先組織家庭。

我會用責任去分。3至21都係讀書努力考試嘅責任，21至30係努力工作去貢獻，30至50係承擔家庭責任，60之後就冇責任。

暫時都好似跟求學階段劃分，畢業後應該跟人生歷程劃分。